

平定兩金川方畧

十三

三

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

平定兩金川方畧卷之二十二

三月壬寅。溫福阿桂奏言。查巴朗拉一帶糧運軍臺。係大兵後路。最爲緊要。但番地山箐叢雜。金川賊匪間道越險。是其長技。官兵深入。自不可不嚴加防範。臣等前已酌留官兵每處防守。但未派有大員董率。恐將弁等日久踈懈。是以酌派重慶鎮總兵和邦額前往領兵駐扎。嗣據

和邦額稟稱。達木巴宗地方。南北兩山。均通賊境。巴朗拉北山。有通德爾密小路。至巴朗拉之西。達木巴宗之東。日隆宗一處。北通畢旺拉。南通德爾密。其木耳宗亦通別期滿一路。均屬要隘。現於巴朗拉以內。如向陽坪。鄧仍山。山神溝。卧龍關。各駐兵二百數十名。其達木巴宗。爲兵糧總匯。駐兵三百名。日隆宗各路可通。駐兵二

百六十餘名。木耳宗巴朗拉二處。各駐兵五十名。其中尚有松林口一站。亦酌駐兵二十名。均派將弁帶領。日夜巡防。該鎮自駐日隆宗。往來巡察。臣等仍嚴飭其加緊防範。後路自可不致踈虞。其西路運送糧米鉛藥等項。均用人夫背負。從前原派松茂道查禮總理督催。今欽奉

諭旨。復令該道專司其事。而又有和邦額往來稽察。

足敷料理。至和邦額原辦火藥鉛丸軍械。一切收發各事。董天弼尚所優爲。業已令其接辦。奏入報。

聞。

同日。溫福阿桂又奏言。臣等久圍資哩。日夜督

攻。未能速破。所有北面山梁五岱現仍攻擊。山巖突起之大石卡。其南山官兵佔據特克裕爾。

山梁者。直下河邊。已繞過資哩西南兩面。而猶不能斷其河北沿山之路。查特克裕爾山之外。從得爾蘇山根。下至阿喀木雅。前經酌派官兵。往據山頂。攻得礪卡。因第四石卡。在山凹突起之處。聚賊甚多。屢次攻擊。未能卽克。是以令官兵仍在特克裕爾山駐扎。相機另圖進取。昨奉諭旨。以阿喀木雅爲南北兩山要路。得此卽可勦殺。

資哩賊衆進攻美諾。臣等再四籌酌。阿喀木雅。自

應速取。而得爾蘇山凹突起賊卡。急切不能攻

破。自當覓道繞過。方能得利。探得從特克裕爾

山旁下溝。有小徑尙可攀援。通至得爾蘇。其半

山有密箐一帶。因派兵四百名。令總兵牛天卑

侍衛烏什哈達等帶領。於二月二十二日。乘夜

前往箐林深處埋伏。又派兵二百名。在箐林之

外接應。又分兵二百名往上堵截賊卡接應之
兵。並令牛天昇等酌量先撥兵數十名誘出阿
喀木雅寨內賊衆。是夜山上賊人果見我兵人
少。出寨迎敵。我兵隨卽走回。賊人尾隨而來。一
入箐林。伏兵從旁殺出。直壓而下。殺賊數十名。
餘俱竄入山下碉寨。放鎗拒守。其山巖石卡賊
衆望見官兵打仗。自上救援。分派堵截之兵。卽

在山坡迎敵。亦殺賊二三十名。賊旋敗回入卡。

值天黑夜雨。官兵暫行撤回。臣等思資哩寨礮

樓已均摧毀。賊人所恃。惟在礮根。石墻堅厚。臣

等每晚令礮內裝放鉛子。竟夜轟打。使賊人不

得乘間修補。日來見石墻坍塌甚多。似有可以

衝越之勢。侍衛官兵等亦因久攻未克。憤奮願

往。因於二月二十五日晚。派兵六百名。乘夜潛

進。又北山根有大石卡二座。各派兵四百名。分
路攻奪。使賊不能相救。又令南山帶兵之叅將
成德等。沿山繞河埋伏。截殺阿喀木雅一帶前
來接應賊番。又知會北山五岱處。令其聞聲。同
時衝壓。二十六日。天色將明。官兵各隊並進。而
賊番先於寨外放卡。一見官兵衝到。隨即奔回。
官兵追殺數人。將至賊寨之外。因有深溝。不能

平定回疆方略卷之三十二
五

迅越。並有叢棘亂石。橫豎塞斷。賊番總於寨內
放鎗拒守。其北山根兩大石卡。俱與礮寨及北
山坡各卡聲勢相聯。賊又繞卡掘有深濠阻守。
其濠邊之賊。亦被官兵用鎗擊斃。而急切不能
越濠取卡。其時資哩寨內及北山坡並山根石
卡內。賊衆滾石放鎗。官兵奮力相持。直至已刻。
臣等恐多損官兵。傳令暫撤。其成德埋伏之兵。

相距^臣等稍遠。當官兵進攻賊寨之時。聞南山

下亦施放排鎗甚緊。隨據探稱。成德等帶兵相

度賊番來路。藏伏山溝。果見阿喀木雅之賊。三

百餘人。前來救援。賊番惟防南山官兵衝擊。不

知山溝有兵突出。奮力勦殺。殺死四五十名。餘

賊奔回舊路。統計自二月二十二日。南山打仗

及此次二十六日打仗。殺賊頗多。而官兵內三

等侍衛哈爾九陣亡。綠營弁兵內亦有陣亡得
傷者。俱令確查。另行造冊送部。再查河北山根。
上中下共有三路。其坡上儘北之路。賊人雖有
石卡防護。但逼近北山官兵不能行走。其沿河
儘南一路。因逼近叅將成德之兵。賊亦難以往
來。惟中一路。離河南官兵較遠。未能截斷。臣等
前已令成德等。每夜添撥弁兵。過河巡邏。遇有

賊番偷越。卽行擒殺。務使其與資哩寨內。信息不通。自易於潰破。所有近日脫出鄂克什番民。德日爾嘉勒等。謹繕供單。恭呈

御覽。

同日溫福阿桂。又奏言。二月二十二日。據叅將成德報稱。有番人在卡外叫稱。係金川投稟。置稟地上而去。經卡兵拾取前來。臣等卽令通事

譯出。據稱仍舊混請說和。又稱從前大人替小

金川剖斷。未經令其賭咒。以致翻悔等情。實屬

頑詐可惡。惟幫兵一節。不敢承認。臣等詳加體

察。金川敢於幫兵助惡。藉詞諱飾。似猶有畏懼

之心。而暗為助惡。其罪實無可貸。臣等昨據桂

林處抄寄摺稿。知現已乘其不備。分兵進取革

布什咱。此時索諾木已無可羈縻。更不值給與

回諭。臣等現在惟有盡力攻圍。無論金川小金川之人。見卽勦戮。以紓憤懣。奏入

上諭軍機大臣曰。溫福等奏攻資哩情形一摺。雖數日間頗有斬獲。而資哩賊寨尚未攻破。恐致師老而疲。前已屢次傳諭。令於賊碉對面。或結木架。或砌石臺。加礮於上。俯臨賊碉轟擊。賊番雖匿處地穴。而我礮力自上擊下。易於直透。穴內之賊必不

能當勢將驚潰。自屬最善之策。不知溫福接奉前
諭。曾籌辦及此否。又據脫出之鄂克什番民供稱。
聞僧格桑欲往布朗郭宗。與澤旺商量。並金川遣
大頭人丹巴沃咱爾。到美諾後。亦欲前往等語。逆
酋欲同金川頭人。往其父處。自必商同由彼逃入
金川。而索諾木又公然助兵黨惡。將來問罪之舉。
恐難中止。自當厚集兵力。兩路夾攻。一併掃蕩賊

巢以靖邊徼。昨已諭貴州巡撫提督將預派之三千兵。遣程赴川。並諭溫福等酌量兩路分派。其文綬預備之陝甘兵三千。亦令溫福量爲調取。若核計需兵尚多。卽一面飛咨全調。總期於事有益。至現在攻圍資哩。兵數尚少。自未便銳意深入。若各省後調之兵到齊。則兵力更足。而色布騰巴爾珠爾。又帶同熟習領兵之侍衛章京等。前往軍營。聲

勢壯盛。將士亦必倍加厲勇。如彼時業已攻破資
哩。正須爲擣穴擒渠之計。若賊仍堅守抗拒。則當
派兵分路勦擊。使其疲於技拒。且賊番旣潛匿地
穴。正可選集精銳。乘其不覺。衝過賊碉。而大兵復
在後爲之聲援。賊衆自皆喪膽。若賊番從碉內逸
出。卽用烏鎗盡殲其衆。我兵且行且擊。亦屬便利。
再據脫出之番人供稱。聞小金川言現在官兵兩

路夾攻。一兩月內尚可支持。日久不能抵禦。是賊
現雖捨死拒守。其糧食已不能久供。又無暇兼務
耕作。食盡之後。難以復支。我兵卽專務攻圍。賊尚
不能持久。何況添兵分進。勦擊不懈乎。溫福等惟
當相幾妥辦。剋期集事。至襲取革布什咱一事。旣
可掣金川助兵之勢。並可絕索諾木翼倖之心。自
爲兩得。桂林惟當與宋元俊熟籌妥協辦理。

癸卯。

上諭軍機大臣曰。昨溫福奏脫出之鄂克什番人供
詞內有聞僧格桑欲往布朗郭宗。與其父澤旺相
商。自係商同由彼處竄入金川。但逆酋情性狡詭。
或見我兵分路攻勦。聲勢甚盛。知其罪難倖免。又
未肯棄地竟逃。欲伊父代爲懇求。希圖寬宥。亦未
可知。否則藉伊父乞憐爲名。冀緩我兵進討。而噉

曾在布朗郭宗底木達等處抄出曾頭溝已朗拉
一帶截我後路餉道不可不慮看來總不出此三
者若賊酋逃往金川而索諾木又不獻兇退地卽
遵前旨統集兵衆將金川一併勦平或澤旺親詣
軍門悔罪求原亦不可稍存姑息如能將計就計
擒獲澤旺所謂兵不厭詐自爲最妥卽或無憚可
乘斷不可因此稍緩進攻墮其狡計逆酋惡同梟

四定國全元大異卷之三十三
二

獍久已拘禁其父。豈復知有顧戀。昨閱番人供詞。并有金川頭人丹巴沃咱爾。亦同前往之語。恐其別有所圖。或截我後路。皆未可定。設未能妥協。預防成何事體。溫福等務當及早留心。設法防範。使賊人技無所施。方爲妥善。再向來稱金川土酋。係索諾木。昨所譯出之稟。則稱應襲土司索諾奔們。似不止一人。今所譯清文。則係羅卜奔及扎勒達。



克。並我等二人之語。是又明有兩人。殊不可解。著
溫福隨便查明金川土酋。究竟是一是二。因何連
名並稱之故。一併覆奏。

乙巳。溫福奏言。臣接奉

上諭以僧格桑差人投遞番稟。並不將遞稟之人。卽
行拏訊。臣跪誦之下。實深惶悚。伏查二月初六日。
據五岱遣副護軍校富爾賽。持送小金川番稟。

臣

卽詢以賊人如何投遞。據富爾賽稱。小金川

遣人在卡子外。屢次叫求說話。卡兵回明叅贊。

令屯練前往詢問。賊番將來稟。放置隔溝而去。

屯練始過溝取回等語。臣因所問情節。尚未詳

晰。又傳五岱所遣接取番稟之土外委那木喀

塔爾及同往之土把總阿桑。逐一詢問。據阿桑

那木喀塔爾同供。把總等在大山梁上。每日派

兵下小山梁把守。照料取水之人。二月初間。小

金川賊番在對面山梁上叫喚。把總等告知叅

贊。派土外委那木喀塔爾隔溝查問。據番人言

明日有頭人來遞稟帖。求官兵營盤內。亦派一

人前往。那木喀塔爾又卽稟知。叅贊諭令如果

明日有頭人送稟。汝不必言是大人所差。只言

是看守水卡兵丁。記明賊番所言。卽取來稟送

閱。第二日午後。小金川頭人阿塔爾帶領多人。在對面山梁上叫請說話。那木喀塔爾令其送來該頭人疑懼不肯。把總等亦未過去。阿塔爾遂在溝岸取稟帖夾於樹枝中間插地而去。那木喀塔爾始過去取回等語。臣思小金川逆首敢於抗拒大兵。斷無貸死之理。今既遣人投稟。又不肯到營呈遞。惟從卡外叫喚。其輕慢無禮。

尤爲可惡。以事理而論。原應令卡兵聞聲見影。
放鎗擊打。非但不值給與回諭。並不應取稟閱
看。惟是大兵進剿。但期辦理合宜。使逆酋速就
擒戮。旣據投有文稟。雖斷不可稍有遷就。見輕
於賊。而藉此以體察賊情。亦或於籌辦機宜。不
爲無益。但五岱處差送番稟。未將投稟賊番一
同拏送。臣亦未經劄詢附察。實屬愚昧。臣惟自

愧無能。致逆酋久稽擒戮。實不敢稍存苟且完
事之見。謹遵

旨明白回奏。奏入。報

聞。

同日。溫福阿桂。又奏言。臣等接奉

諭旨。令用木架佔據高處。放礮下擊賊碉。使其無能

藏匿。茲查得資哩碉寨。在兩山之間。近逼河沿。臣

等將大礮向西安放。轟打寨牆。又設礮於左右

山麓向下轟擊。共向西所放之礮。高與寨牆相等。而兩山麓所設之礮。較寨高逾數丈。比之安放木架下打。尤爲得勢。詢問俘獲賊番。皆云寨中地刨深穴。其面橫以巨木。木上又填以土。土上用石鋪蓋數層。傍設洞穴。以爲出入。賊番日則藏匿穴中。夜則偷出修葺。凡有日間轟損之

處。俱係夜間補綴。若見我軍有攻寨形勢。其藏

匿穴中之賊。皆出而潛伏牆根。由牆孔中放鎗

抵拒。臣等恐至多損官兵。不得不暫為撤退。故

雖數次進攻。未能克取。此時臣等夜間更番施

放大礮。不令賊人稍有修築之暇。庶幾坍塌處

多。易於攻取。再我軍佔南山者。由山梁排列至

山麓。寨之西南兩面。盡皆圍守。已截斷賊番來

援之路。且接築數卡。直至北山下相近河沿之處。惟北山高峻。坡上共有三路。其中間一路。賊番或因巖穴洞。或築卡相連。占得地利。一時尚不能斷其來路。今五岱令章京巴彥泰帶兵自上而下。築卡以斷其中路。若此三路皆斷。資哩寨落之賊。必不能存。再兩路山形高大。其間峰嶺。層次接連。過一澗。又有一澗。其澗皆豁訝陡

削。樹木極爲叢雜。若不據其要害。賊從幽僻小
路。偷過我軍之後。佔據高阜。反致爲其所擾。今
北山五代山官兵。旣攻擊資哩北面山巖突起之
大卡。馬彪與各侍衛章京。分領二三百兵。至于
餘兵。各據要害。迤邐共有四五十里。其南山牛
天界。與各侍衛章京。領兵由山梁下至山麓。各
據要處。亦迤邐排例。共有三四十里。至臣等中

路圍寨之兵。晝夜施放鎗礮。轟擊碉寨。或誘賊
出擊。或埋伏捉生。稍有機宜。卽便力戰。但每日
止能殺賊數名。不能多爲勦戮。此時非獨臣等
坐守兩月之久。甚爲悒鬱。卽官兵咸深憤恨。求
請舍命奪寨者甚多。臣等將節次所降不可撲

碉

恩旨。明切曉諭。官兵雖不敢遽行前。往亦斷不致或

聞。

生怠惰。臣等將奮勉官兵內。應陞者陞用。應賞者獎賞。間有退縮。亦重治數人。以示炯戒。惟視機有可乘。卽時進兵攻取。以期前進。奏入。報

同日。溫福。阿桂。又奏言。臣等接奉

諭旨。北山既有五岱。南山亦當遣一滿洲大臣。同牛天昇帶兵。何以不遣常保住前往。臣等謹查常保

住。因前在雲南攻勦緬匪。鎗傷右腹。鉛子至今

未出。又因不服水土。時有瀉泄之疾。較前略爲

薄弱。昨至四川。卽同董天弼由蒲松岡進兵。至

達木巴宗會合。現在統領成都滿兵。圍攻北山

賊寨。該員雖力圖奮勉。臣等見其有疾。另派巴

圖魯章京德保。協同管理。再帶兵之人。務須經

練者。方爲有益。今資哩南山。雖遣牛天畀同緣

平定回疆方略卷之三十三
六
營將備前往。而凡帶兵分守攻圍險要之處。已
另派巴圖魯章京額爾塞。瑚尼爾圖。侍衛額爾
特。章嘉布。訥亨保。一同督率官兵。奮力攻勦。至
北山隨叅贊大臣五岱者。總兵馬彪。副將富紳。
並各漢員外。又兼以

乾清門侍衛彰。靄。巴圖魯侍衛額。森。特。巴。三。泰。巴

圖。魯。章。京。福。音。保。章。京。佛。進。泰。巴。彥。泰。各。員。其

督兵攻圍賊寨者。派有

乾清門巴圖魯侍衛賡音素巴圖魯侍衛喬蘇爾

阿爾蘇納侍衛哈薩爾圖章京德保丕亨保各

員。其督率放礮者。派有侍衛明仁。新達蘇。巴圖

魯章京官達色。章京愛崇阿各員。隨臣等中路

擊賊者。除總兵書明阿。張大經外。派有巴圖魯

侍衛海祿烏什。哈達佛倫泰。侍衛伊爾庫各員。

所有分撥布兵之處。合併聲明。奏入。報

聞。

同日。溫福。阿桂。又奏言。二月二十八日。據守備

袁國璉。報有金川番人彤錫一名。帶同伊妻阿

滿。投至卡上。隨將彤錫等轉送到營。臣等詳加

訊問。據稱係金川噶朗噶寨人。前曾逃至丹壩。

到過成都。後經丹壩給還金川。將彤錫安插在

色布雜寨。近日金川。差大頭人丹巴沃咱爾。到
小金川議事。彤錫隨後送糧。彤錫因差使苦累
難堪。假稱腿痛。令伊妻代負口糧。旋即一同逃
出。又稱僧格桑。並丹巴沃咱爾。同在布朗郭宗
澤旺處。彤錫從布朗郭宗。隨丹巴沃咱爾回至
鄂克什舊寨。聽聞丹巴沃咱爾言。我等投稟已
經數日。今再俟一日。如無回信。我各自回去。又

稱僧格桑遣人向索諾木言。我今無子。所有小
金川地方。可於兄弟中。選擇一人來此。以便將
來承管。我攻鄂克什。本爲金川拓地。若吞併各
土司後。卽搶至維州橋。亦復不難。今官兵來勦。
若非助我多兵。我惟將此地讓與官兵。逃入金
川藏匿。因此金川發兵來助。奏入。

上諭軍機大臣曰。溫福奏到金川投誠番人彬錫供

情。是僧格桑力不能支。不惜獻地爲餌。聳動金川。助兵。索諾木實欲吞佔各土司。令其諸弟分布。且有卽打到維州橋亦不難之語。竟思侵擾內地。其情亦爲可惡。僧格桑之敢於跳梁不法。實恃索諾木狼狽爲奸。不但僧格桑必當勦滅。卽索諾木亦不宜輕縱。若仍稍事因循。將來土司境壤必盡爲金川蠶食。尚復成何事體。現在惟當併力攻擊。資

哩各隘。務須擒獲僧格桑。並預爲調度。併辦金川事宜。此時當先作將軍總督之意。使索諾木知僧格桑抗拒天朝。罪在不赦。斷不容其漏網。金川旣自稱恭順土司。則於僧格桑逃至時。縛獻軍門。便與金川無涉。但索諾木旣已黨惡。必不肯竟獻兇渠。若僧格桑逃往金川。自當一面傳檄索諾木。嚴切索取。不必俟其回信。卽一面分路統兵出。其不

意攻勦金川。並擒索諾木。似覺更爲便捷。前已諭令圖思德等。將貴州所派之三千兵。卽令起程。今復傳諭文綬。將陝甘預派之三千兵。亦卽遄程赴川。溫福等可通盤籌畫。何路需兵若干。檄知各該省領兵鎮將。令其遵照前往備用。通計三省所調之兵。前後已一萬七千。合之川省所有兵練。可得三萬餘人。兵力不爲不厚。兩路分撥。已足敷用。是

辦理金川。亦非難事。况番地遇冰雪時。跋涉或不免稍艱。今天氣日暖。行走尤當省力。惟在溫福等相機熟籌。實力妥辦。以期迅速集事。至現在攻圍資哩情形。既探得北山之路。分兵控扼。則資哩自可計日攻破。但攻得資哩後。阿喀木雅等處。賊番自仍捨死守拒。惟當設法力攻。毋稍疎懈。豐昇額昨派往軍營審事。令其審結後。約住十日。卽行回

京今辦理企川一事。統兵大員。多多益善。豐昇額
向亦曾帶兵行走。著授爲叅贊大臣。令溫福酌量
分定各路。一同進剿。

臣等謹按兩酋狼狽爲奸。已久在

聖明洞鑒。如其索諾木惕我兵威。獻兇退地。原不必
盡數俘誅。以示

天朝之廣大。今據番人彤錫供詞。竟有打至維州橋

之語。是兩首卽薦食各土司。尚不足饜其欲。
且有覬覦近邊之志。狂悖跳踉。於斯爲極。設
其後僧格桑竄匿其地。姑以羈縻之說。遽爾
蕝事。則其鳴張肆逆。勢不旋踵。

聖人深慮佳兵之非祥。更憂滋蔓之難剪。苟非犁庭
掃穴。何以使邊圉永靖。

霄旰憂勞之心。誠有出於萬不獲已者矣。

丙午。

上諭軍機大臣曰。溫福等奏將投誠之彤錫夫妻。解往成都居住。所辦尚爲未善。此等投誠之人。詢係實情。應卽賞給職銜。留於軍營。量力差遣。不應解往成都。蓋番地係其所熟。正可使嚮導而行。且藉以招諭諸番。亦爲得力。而其餘番衆。見天朝施恩於投誠之人。願降者必衆。從前平定準夷回部。皆

如此鼓勵差遣。今若解往成都。非惟不能得力。且使其餘番衆。不知將彤錫如何處置。反至畏疑。不前於事。甚爲無益。溫福阿桂從前於西北兩路。均經閱歷。而此等事。又爲將軍叅將所應辦。溫福等何以計不及此。著將彤錫之妻。留於成都。善爲養贍。其彤錫賞給藍翎。並銀五十兩。卽令仍往軍營。候溫福等酌給行糧。量力差遣。嗣後如再有投誠

之人。俱著照此辦理。至將來投誠人內。如有大頭人。卽將賞去花翎藍翎。酌量賞戴。若以伊等俱係新投。不可深信。則派出可信之人。帶以行走。伊等復何能爲。或生有異心。亦不難卽行誅戮也。

平定兩金川方略卷之二十三

三月丁未

上諭軍機大臣曰。前年阿爾泰恐有奸人至內地。探聽信息。故禁絕番人進口。朕思所辦原未妥協。番民每歲下壩傭工。藉以餬口。幾視爲常業。若因征勦小金川。禁止傭工。致失謀生恒業。實爲非計。朕意下壩一事。似應仍循其舊。且三雜谷與小金川

番衆本自易於辨別。不虞混淆。若小金川賊番果有托名混入內地者。原可隨時擒捕。亦毋庸總總過慮。阿爾泰從前籌辦及此。未免因噎廢食。著溫福桂林。詢明阿爾泰。妥議具奏。至就兩金川現在情形而論。兩酋聯結甚固。實有不得不併辦之勢。進兵路徑。卽宜預爲籌畫。如丹壩噶拉依之外。或尚有可以進兵者。密爲查明。並將金川四至通連

之處。詳晰繪圖呈覽。

壬子。桂林奏言。竊查收復革布什咱。已遵

旨。飭令宋元俊帶兵前往。臣與鐵保汪騰龍率同侍

衛將備等。仍由噶爾金一路。併力奮攻。相機進

取。至往攻革布什咱地方。必由約咱章谷一帶

取道。若將該處全行收復。則不必復回原路。卽

由革布什咱連界之布拉克底雪山等處。直通

達烏僧格宗。所有臣等現在攻打之東山梁。及

墨爾多山嶺。皆在繞截之內。臣等統兵直前。便

可兩路會合。昨已密飭宋元俊於收復革布什

咱之後。妥為布置。分兵由間道抄出。合力夾攻。

更為捷便。奏入報

聞。

同日桂林奏言。臣查革布什咱地方。雖據陳定

國察探情形。正在人心未固。賊兵未備之時。第
恐日久變生。究難深信。該處番民。既已有心內
向。若得乘機曉諭。內外相通。辦理更爲捷便。查
有去夏投誠之革布什咱頭人旺勒丹。及散番
四十餘名。數月以來。頗見出力。密喚詢問。據稱
革布什咱地方。伊之親戚甚多。情願暗爲招致。
但伊恐金川認識。須遣心腹番民策楞。夜間潛

往伊親戚嘉噶爾幫處。暗通消息。再行稟復。臣
隨於本月初二日。潛令番民策楞密赴該處。若
見事果可行。卽告以分兵收復之舉。並令嘉噶
爾幫於附近各寨相熟可信之番。互相通信。以
爲內應。茲於初四日寅刻。該番連夜回營。據稱
嘉噶爾幫言。我等均被金川牽制。實出於無可
如何。今知官兵欲來收復地方。頭人等與附近

各寨番民商量。都是歡喜感激。但察金川日下舉動。稍有知覺之意。若更添兵據守。益難籌辦。懇求及早發兵。頭人與百姓等。自爲內應。不可

稍遲等語。

臣

見其情詞真切。復詢之旺勒丹等。

堅稱實無虛假。臣伏思事貴於密。機不可遲。今

該處既有可圖。自當隨時籌畫。不敢因陳定國之信未來。致失機會。隨於是日辰刻。密派侍衛

將備等分頭帶兵前進。又令宋元俊帶領漢士
兵練並旺勒丹等由格藏橋一路進發。且囑令
加意謹慎。勿致冒昧。復委總兵王萬邦接應後
路。茲於本月初六日未刻。據宋元俊稟稱。初五
日五鼓。各兵齊集。分路進攻。元俊督同遊擊吳
錦江等由章谷渡河。先據格藏橋。侍衛哈青阿
都司李天佑從鄂宗濟野宗翻山壓下。直取木

巴拉博租元俊由格藏橋上下夾攻。守礮賊番正在放鎗拒敵。而革布什咱番人從內殺出。賊衆驚潰。我兵分頭截殺。戮賊一百八十餘名。生擒九名。至叅領三通。保守備吳崇德、陳王凱等帶兵由巴旺之高日山、嘉舉山分取薩瑪多堅藏布覺。亦有革番接應。內外合攻。將金川兩處守寨之兵一百四十餘名痛加殲戮。所有木巴

拉博租薩瑪多堅藏布覺及一路零星寨落先
後攻克計得地方七十餘里收復碉寨甚多招
撫番民甚衆元俊一面督兵星夜趕赴默資溝
堵截金川救兵來路一面分兵圍攻吉地官寨
并令叅領三通保守備陳王凱就近前往接應
茂紐喀勒塔爾兩路之兵會合前進俟克復後
再行馳稟等語。臣隨飭宋元俊迅卽知會陳定

國速帶綽斯甲布土兵。佔奪甲爾壟壩。俾金川
無路可通。四面受敵。我兵合力進剿。務期旬日
內。全行收復。妥爲安撫。其生擒賊番九名。令卽
押赴軍營。訊明另行辦理。臣現飭令後路留駐
之兵。除抽撥外。仍俱嚴行防守。所有一切糧運
軍需。最關緊要。阿爾泰現駐章谷安設糧臺。督
催鉛藥。妥爲辦理。至攻取地方。相距軍營約及

二百里。臣並安設馬站。以便聲息相通。奏入。

上諭內閣曰。桂林奏攻復革布什咱之木巴拉博租。

薩瑪多堅藏布覺等處。共得地方七十餘里。收復。

礪寨甚多。招撫番民甚衆等語。金川逆酋索諾木。

敢于侵佔革布什咱地方。且敢添兵幫助小金川。

抗拒官兵。其情甚爲可惡。不特革布什咱。係內地。

土司。本應克復。卽金川之狼狽爲奸。黨惡不法。亦。

當並爲勦滅。不得謂之輕開邊釁也。此次桂林分遣將備。尅期攻復。殲殺番衆。兵氣奮揚。足禡索諾木之魄。辦理甚屬可嘉。桂林宋元俊及在事將備人等。均著交部議叙。

同日

上諭軍機大臣曰。據桂林奏收復革布什咱之木巴拉博租等處。所辦極爲妥速。其先投誠之頭人旺

勒丹。通知該處番目。在內策應。甚爲恭順。出力。宜加獎賞。以示勸勵。桂林竟當將發往之藍翎。賞其戴用。令彼益增感悅。其差往之策楞。及幫助之嘉噶爾幫等。亦屬誠心效用。桂林並當酌量賞賚。再前因桂林分路進兵攻勦。恐尚需添兵。已諭貴州派兵三千名赴川。聽候溫福。桂林酌撥應用。今桂林奏稱現在之兵。尚可通融抽撥。如有必需。接應。

之處。再行奏聞咨調等語。是桂林一路尚非急需。添兵則貴州所調之兵自當令其全赴溫福軍營備用。若桂林處亦需添撥。卽酌留一千亦可。著傳諭溫福桂林通盤籌畫。將兩路之兵作何妥協分撥。一面檄知該省領兵鎮將遵照馳赴。一面具摺

奏聞

同日

上諭軍機大臣曰。現在續調之陝甘貴州兵各三千名。前已諭令溫福等通盤籌畫。何路需兵若干。檄知各省領兵鎮將。令其遵照前往。今據圖思德等奏報。所派貴州兵三千名。已於三月初三日。陸續起程赴川。計二十日內外。可抵畢節。著再傳諭溫福。卽速與桂林從長計議。何路尚需添兵若干。並將某省之兵。就近派往某路若干之處。詳悉核

定速檄各該省領兵鎮將。照所派定何路軍營。取道過程前往。並移咨派兵各督撫查核。仍一面具摺奏聞。今距溫福前次奏到之期。又六七日。未知現在攻勦情形若何。看來資哩一帶賊衆。雖悉力拒守。經我兵設法分勦。自無難攻克。但恐僧格桑一失其險。卽竄往金川。而索諾木又黨惡不卽擒獻。且小金川卽經平定。官兵撤回後。尚恐其復出。

滋事。是僧格桑。若不就擒。金川實有不得不辦之勢。溫福等當將應辦進剿事宜。逐一計議。庶臨時更覺裕如。仍將作何籌辦之處。專摺具奏。再軍營屢次所譯番稟。雖辛字訛舛者多。而文義大概尚合。想該處綠營音譯之人。於番字尚能諳習。著溫福等。卽選派熟練音譯番字者一人。由驛赴京備用。

癸丑。溫福奏言。

臣

於本月初五日。潛由特克裕

爾山。進至德爾蘇山峰附近。察看形勢。派令牛

天昇等帶兵埋伏。又派侍衛章京等帶兵前進。

作爲欲攻阿喀木雅之勢。賊番果由阿喀木雅

突出二百餘名接戰。其時額爾特等督率伏兵。

截住追殺賊番。又有賊二百餘名。從卡接應。爲

訥亨保從傍衝突。斃賊甚多。又有賊衆二百餘

名由山梁而下。牛天昇衝入賊隊。鏖戰良久。賊始竄回寨卡。堅守不出。此次攻擊。雖未能克阿喀木雅。而殲戮賊番五六十名。受傷扶去者更衆。實足以破賊酋之膽。此時臣暫息兵力。相度機宜。務期勉力辦理。迅搗賊巢。奏入。

上嘉之。

同日阿桂奏言。竊臣接奉

諭旨。赴北山代五岱領兵。將五岱換往溫福大營。臣

於本月初四日。到北山查看形勢。緣北山險峻。處賊番本有三路。往還救應。今南山官兵圍至山下河沿。此路賊已不敢往來。至賊番所據北山山巖突起之大石礮。其下官兵結卡七座。此路賊番亦不能通。惟中一路在山礮之下。賊番築卡穴洞。抵死拒守。尚未截斷。至山巖突起處。

之賊礮前。五代將大礮安於山巖之北。每日向下摧打。今礮石俱已摧燬。擊死賊番無數。而礮石摧殘之後。又掘地爲穴。并創深溝於窟內。仍然拒守。蓋緣賊礮在石包之前。山峯之上。左右俱係懸崖。而中間山梁。又甚險狹。不能多兵同上。是以五代八次攻取。七次受傷。若必督兵攻取。官兵心懷猶豫。於事無益。現今熟察形勢。誠

如

硃筆所指之處。官兵所結第七卡以下。再立數卡。直
至山下河沿。與對河官兵合圍。可以直斷賊人
中路。但賊見我軍向下合圍。立卡。自必捨命力
抗。不容修立。必須一面派兵立卡。一面截殺礮
下前來接應之賊。方能有濟。查五岱所帶之兵。
現存三千四百有餘。馬彪帶兵一千。據色布色

爾大山之頂甚闊緊要。其次彰靄等帶兵九百名。據薩嘉山頂亦屬要隘。至臣現在審其形勢。

凡有防禦衝劫地方。及看守接運糧餉鉛藥之路。駐兵數百名。其餘攻勦官兵僅數百名。尚覺不敷分派。然斷無坐候添兵之理。現在數日內。各處卡隘趕緊修固。將防守之兵酌量抽出。再於溫福營內調兵三百名。合力攻取。務將資哩

後路一概斷絕。以期必克。奏人。

上諭軍機大臣曰。溫福等奏攻勦南北山梁情形。並
將原發圖樣粘簽覆奏。圖內稱阿桂在北山駐兵。
已築石卡七處。自上達下。直壓中路。與硃筆標識
之道相合。所據既已得勢。自可斷賊人由西至東
之路。但邀截固屬緊要。仍當分兵攻勦資哩西北
一帶賊碉。抄襲資哩之後。使山岩大石卡之賊。不

能接應。方爲扼要。再資哩之東。官兵現在安營。設礮。或從該處分兵。攻打資哩北面之礮。並斷賊番。從北山上來往之路。官兵兩路夾擊。北面礮內之賊。自不能支。此礮一得。則賊番必不能復爲援應。資哩卽當立礮。設或賊番下山。正可乘勢掩殺。自屬制勝機要。今於圖內復用硃筆圈識。著發交溫福阿桂。按硃筆指示之處。酌量情形。相機妥辦。

同日。

上諭軍機大臣曰。乾清門侍衛彰靄。自到軍營。甚爲奮勇著賞給托克莫忒巴圖魯名號。仍照例賞銀一百兩。

同日。溫福阿桂奏言。臣等查賊匪在在據險死

守。非分路夾攻。不能得濟。逆酋之父澤旺所居底木達地方。係在美諾之北。與金川接壤。如能

分兵直搗底木達。先擒澤旺。並斷美諾之接應。
於全局實爲有益。是以從前臣等擬派固原兵
一千名。同三雜谷土兵三千名。由曾頭溝進剿。
嗣因三雜谷不能派兵。固原兵亦卽改赴西路
軍營。令維州協副將五福帶兵數百名。在彼駐
扎。茲奉

諭旨。令臣阿桂俟新調之貴州兵三千名到川。卽統

領直勦底木達。臣等自當欽遵辦理。惟查貴州

兵由成都至汶川出口。經過瓦寺。鄂克什各土境。抵營後。方可覓路前往底木達地方。前此擬於曾頭溝。由三雜谷進兵者。原因因原兵從松潘入川。故欲就近撥往。今黔兵經由之路。與曾

頭溝相去遼遠。三雜谷既不派兵。更無須遠從該處行走。現在臣等駐兵之處。其迤北之別斯

滿等處。皆有路可通。底木達。因兵力不敷。未能

分勦。臣等愚見。應令黔兵。迅赴西路軍營。俟其

到日。審度官兵。已攻抵何處。再行酌量道路。臣

阿桂。卽統兵分進。總之兵力。旣充。臣等自可隨

時酌辦。斷不敢稍悞機宜。至蒙

恩調撥之甘涼兵一千名。查此項兵丁。現據報稱涼

州兵五百名。分駐覺教地方。甘州兵五百名。分

駐打箭爐。若令其由省城來赴西路。固屬紆迴。
多稽時日。卽由雅州木坪前來。亦須二十餘日。
所過地方。又多一番料理。似應飭新調黔兵兼
程前進西路軍營。至桂林處分辦革布什咱正
在需兵。臣等是以行知提督汪騰龍。令將甘涼
兵一千名仍留南路。臣等前次奏懇加調綠
營兵數千名奉

旨准調陝甘兵三千名並

勅該督等預備起程。臣等業已恭錄

諭旨。咨明文綬等。令於官兵料理齊備時。卽行起程

赴川。合併陳明奏入報

聞。

乙卯。溫福阿桂奏言竊。臣阿桂前赴北山。卽擬

順坡接築石卡。斷賊後路。與南山官兵合圍。詎

賊番狡惡異常。惟恐官兵壓至北山坡中路。本月初八日。乘夜大雪。於官兵相度掣卡之處。先行搶築二卡。臣阿桂以此地最關緊要。若任賊人佔住。斷不能往下築卡。因卽於初九日。五岱臣隨同。阿桂派撥官兵。令巴圖魯侍衛額森特。帶領兵練一百名。於賊番所築石卡之上截殺。阿喀木雅等處接應之賊。又令巴圖魯侍衛烏

平定回疆方略卷之三十三
二十二
什哈達帶兵二百名。攻取西邊大石卡。又令千
總陳大剛帶兵一百五十名。攻取賊番東邊石
卡。又令

乾清門侍衛彰靄巴圖魯曾章京福音保帶兵分布
於薩嘉山峯之橫嶺。以擊斷後山各處接應之

賊。屆時東邊卡內賊番見官兵不避鎗石。撲攻
勢猛。出卡欲逃。官兵趕上殺死甚多。其西邊大

石卡聚賊百餘名。放鎗甚緊。該處地勢更險。官兵不能直衝而入。烏什哈達等將原帶之兵。及巴克東卡之兵。合力進攻。自己刻至未刻。官兵直抵卡前。放鎗拋石。並跳入卡內。奮力砍殺賊。番棄卡逃竄者。又經官兵追殺。當攻取此卡之際。阿喀木雅各處。聞聲來援之賊。分爲兩隊。前來。其從北山下來者。約二三百人。爲額森特截。

殺賊番三次力衝。官兵放鎗滾石。殺至四五十名。始行敗退。其沿河傍南來者。先經臣溫福。令

南山帶兵。叅將成德。巴圖魯侍衛阿爾蘇納章。京丕亨保等。預爲堵截。施放鎗礮。擊斃多人。賊衆旋行退去。又後山各處來援之賊。約二百餘。

均經彰靄福音保等帶兵擊退。亦殺賊數名。帶

傷者頗衆。此次各處官兵無不奮勇出力。共計

殺賊一百餘名。內有頭目首級二顆。據所獲賊

番沙木嘉卜供。係金川陪嫁頭人一名郎布其

一不知名字。臣阿桂卽令攻得賊卡地方及附

近可以往來之處。一面派兵防守。一面連夜搬

運木石。於初十日黎明。臣阿桂督勵官兵上緊

趕築石卡。至晚於前築七卡之下。接築六座。直

至坡礪。已將賊人來路截斷。是夜風雪甚大。臣

等隨令南北兩山及各處帶兵將領加倍嚴防。至五更北山賊卡及資哩之賊露有奔逃光景。

臣阿桂卽從北山梁帶同侍衛烏什哈達額森

特章京巴彥泰佛進泰及副將富紳等率兵衝

殺直下。臣溫福令

乾清門侍衛賡音素巴圖魯侍衛喬蘇爾海祿新

達蘇佛倫泰巴圖魯章京官達色侍衛明仁等。

帶兵分頭儘力追殺。賊人泅水而逃。又經南北
兩山官兵層層抄殺。其淹斃在河者。爲數亦多。
餘賊俱竄入阿喀木雅一帶礮卡內。合力死守。
臣等當將資哩礮寨佔據。隨卽移營。至阿喀木
雅寨外。高處安設大礮。對寨轟打。其資哩舊營
盤內。因有糧食軍火等項。不可不加意防守。留
兵五百名。令董天弼帶領駐扎。臣等再查阿喀

木雅寨在德爾蘇山根高礮之上。內外礮卡甚多。其南山德爾蘇自上至下。及北山美美卡一帶。賊人礮卡層列。俱與阿喀木雅聲勢联接。臣等察看情形。南北兩山官兵。雖經露處兩月。有餘。不無疲乏。然以地勢賊情而論。現在仍須兩翼並進。官兵斷不能撤回。至阿喀木雅礮卡。既堅。或當覓取道路。繞至鄂克什舊寨。及木闌壩。

之處臣等現在悉心籌畫。上緊督辦。奏入。

上諭內閣曰。溫福等奏攻克資哩賊寨。殺賊甚多。現在攻圍阿喀木雅等語。溫福阿桂調度有方。將領等亦能奮勉出力。從此軍聲益振。自可乘勝迅擣賊巢。速擒逆豎。深爲嘉予。溫福阿桂及在事之侍衛將弁等。均著交部議敘。

臣等謹按資哩礮寨。本屬小金川緊要門戶。

賊番集其醜類。拒守甚堅。而南北兩山。重巒
複嶺。處處羊腸鳥道。賊番又俱築礮設卡。以
阻官兵繞進之路。故五岱之在北山。牛天界
等之在南山。雖皆設法進攻。並不能踰險出
去。竒抄越資哩後路。我

皇上披覽圖形。纖毫畢照。卽

諭或由西首山梁下。至資哩寨尾。或自設礮之地。直

延下。山根。皆可繞截其後。并以

硃筆標記。寄至軍營閱看。臣阿桂深維

訓示。得所遵循。是以前往北山。卽督兵鏖戰。從山坡

大。連築石卡而下。賊番惟恐駭走無路。乘夜竄

逃。舉經時死守之處。唾手而得。非仰藉

聖謨。何能及此也。

上又諭軍機大臣曰。阿喀木雅。雖有賊人退守。未必

能如資哩之憑險久拒。今旣殲賊破礪。軍勢大振。足以懾賊人之膽。溫福等自當乘勝急攻。使賊番措備不及。破之更易爲力。且閱所獲小金川賊目。及脫出鄂克什番人供詞。小金川糧少食乏。力量已不能支。僧格桑徒以空言誘嚇其衆。人心漸相離異。且多以戰守爲苦。若於攻勦之餘。仍設法招致。或番衆能將逆酋擒獻。亦未可知。此事總以擒

獲僧格桑爲主。溫福等當思迅擒賊巢。速擒兇孽。以申國威而靖邊徼。若罪酋既得。而革布什咱之地。又漸次收復。卽有未盡得之地。或可傳檄索諾木。令其及早退還。並親詣軍門。叩頭謝罪。立誓不敢復滋事端。則諭以金川自爾父郎卡投誠歸化。安享昇平。爾索諾木不遵爾父遺規。輒敢侵佔內地。土司疆界。罪本難逃。今爾旣知退還侵地。立誓

不敢再犯。尚不至執迷不悟。卽爾幫給小金川之
兵。亦因親情私助。其情尚屬可原。是以本將軍等
仰體大皇帝之心。不肯竭我兵威。宥汝已往。爾此
後惟當守爾土地。安分奉法。不可稍有侵犯。自可
長保世業。否則僧格桑卽爾榜樣。如此恩威並示。
亦卽可以完局。將此諭令溫福。桂林。就所在機宜。
妥協籌辦。若僧格桑逃往金川。索諾木並不擒獻。

則其事斷難中止。致貽後患。今寄賞溫福、桂林、小荷包各四個。阿桂、小荷包三個。宋元俊、馬彪、牛天昇、小荷包各二個。以獎其勞。益當奮勉立功。以待策勲之典。

同日。溫福、阿桂奏請出力之健銳營前鋒校三德。火器營鳥鎗護軍校英海。賞戴孔雀翎以示鼓勵。奏入。

上從之。獻表人

... 營... 英... 漢... 示

同日... 營... 三

策... 典... 不可... 自

異... 營... 立... 塗

... 營... 天

... 中... 患... 林... 小

平定兩金川方畧卷之二十四

三月丁巳桂林奏言。本月初十日。據宋元俊報到。初六日辰刻。帶兵趕赴默資溝。金川守卡賊番。見官兵猝至。卽行驚潰。隨派守備馬雄帶兵佔住該處。元俊帶同遊擊吳錦江。都司沈寬。於是日酉刻。進抵吉地。該處係革布什咱官寨。金川賊番於中駐守。並無革布什咱之人。賊番放

鎗拒敵。難以近前。當卽派兵四面合圍。斷其水道。自初六日至初八日。晝夜攻打。賊番死守。相持。是日亥刻。令前面官兵上緊進攻。該番等均。在礮前拒守。一面密派兵練。潛赴礮後。刨空地洞。放入火彈。登時各礮火起。賊衆驚惶。我兵圍守甚嚴。不能衝奪。其有跳礮圖脫者。俱經殲戮。初九日辰刻。火勢稍熄。元俊親往查看。共燒死

賊番一百餘名。尚有未經被燒之四十餘名。亦均誅戮。元俊現在趕赴丹東。統兵進剿。並分兵接應陳定國。會同綽斯甲布。於革布什咱。金川交界之處。嚴爲堵禦等語。臣查吉地官寨。原爲革布什咱緊要之所。現經攻獲。是已擣其心腹。並得佔據默資溝。派兵防禦。金川大勢已失。再加各路之兵。分途進取。合力圍攻。金川賊衆。勢

處窮蹙。在內旣無衝突之路。在外復無救援之
兵。不日俱當授首。臣現飛飭宋元俊統領將備
等。上緊攻取丹東。並分飭各路領兵各官。奮力
攻奪。務期全行克復。早爲集事。

同日桂林又奏言。臣等連日督兵攻打東山梁。

及墨壘溝山嶺賊寨。據住山口。守禦甚堅。復遣
人查勘情形。亦無動靜。初八日。墨壘溝一帶查

看間道人回。據稱該處均係沿山窄路。下接懸崖。現在積雪未消。小金川賊番守禦甚嚴。實難繞越等語。臣思革布什咱之地。攻復業經過半索諾木此時得信。自應撤兵自衛。何以該兩處仍然拒守如常。必金川因革布什咱雖已失守。恐大兵由此乘機深入。是以舍死相持。若仍專恃力攻。賊番勢必加意固守。轉無疎懈。必須設

法變通以資襲取。方爲出奇制勝之道。臣隨飭

令將弁等將鎗礮暫緩施放。查探山脚之下。巖

洞之中。凡爲賊番窺探所不及者。暗行埋伏。賊

番見營中鎗礮不施。必以爲現在攻取革布什

咱。已將兵練調往接應。或因旣經收復。不從此

路進攻。該番等久經防禦。其力已疲。見此情形。

其意必多疎懈。臣等乘機迅發。奪其要隘。較之

力取。更爲便捷。

同日溫福阿桂奏言。臣等於本月十一日攻破

資哩。及北山各石卡。勦殺賊衆。餘賊俱竄入阿

喀木雅一帶碉卡。臣等卽移營至阿喀木雅寨

外。安設大礮。對寨攻擊。並督令南北兩山官兵

分翼前進。查阿喀木雅賊寨。南係德爾蘇山。北

與美美卡斜對。山梁碉卡羅列。勢最險要。臣等

令南北兩山分安礮位。輪流轟擊。半日內。各礮
上截毀塌幾半。而臣等正面所轟近寨賊礮。亦
多摧破。至黃昏時候。賊人舉放號火。聲氣轉揚。
臣等卽疑其故作鳴張。勢將潛遁。隨令各處官
兵嚴加防範。至四更月落以後。寨內外及各礮
卡之賊。乘暗潛逃。官兵知覺。經

乾清門侍衛廣音素。已圖魯侍衛喬蘇爾侍衛明

仁。哈薩爾圖及巴圖魯章京官達色等帶兵從中路追殺。侍衛阿爾蘇納。參將成德等從南山一路抄殺。官兵因甫抵此地。尚未繞圍賊後。且天黑路險。僅殺賊十餘名。餘賊俱竄入迤西一帶林箐。及德爾蘇以外之高峯卡柵。藏匿拒守。臣等隨往賊寨查看。是碉樓座石墻亦均堅厚。而賊人不能固守。可見伎倆已窮。其德爾蘇山。

自上至下各處賊衆。見阿喀木雅已失。亦已奔逃。經總兵牛天昇。前往各處巖洞箐林。盡力搜查。下與阿爾蘇納等官兵。會合駐扎。其北山官兵。亦從色布色爾前進。巴圖魯侍衛額森特等。現抵普爾瑪地方。攻取賊寨。此寨碉卡頗多。一得此處。即可壓至美美卡。至中路官兵。必須攻破美美卡。木闌壩等處。始可抵鄂克什舊寨。但

北山下之路。一線羊腸。兵力難於施展。臣等復親赴德爾蘇山。查看形勢。一望密箐深溝。竟無路徑。所有道路。俱在山根林箐之下。現今德爾蘇山外高峯。賊番旣於林箐內密排卡柵。若由此路進兵。賊番憑高衝壓。不能得利。至北山普爾瑪美美卡等處。原係賊番聚守要地。其木蘭壩各處之賊。均恃此以爲接應。若不先取美美

卡則官兵由北山小路而進。賊亦可踞高壓下。

是普爾瑪美美卡。必當極力奮攻。速期摧破。查

資哩正北大山一帶。各路可通。最爲扼要。前派

副將靜海章京額爾濟圖。帶兵五百五十名。在

彼駐守。今_臣等雖已攻破阿喀木雅。尚未直抵

美諾。所有靜海等處官兵。難於遽撤。_臣等酌抽

三百五十名。令赴北山普爾瑪等處。併力進剿。

仍留二百名。交與該副將等在彼駐防。均奏入。
上諭軍機大臣曰。桂林奏克復革布什咱之吉地官
寨。及默資溝地方。並據溫福等奏攻得阿喀木雅
情形。辦理俱好。但金川所侵革布什咱之地。旣漸
次爲我收復。索諾木聞之。自未遽肯甘心退讓。今
默資溝雖已佔據。阻其應援。而甲爾壟壩。又預約
綽斯甲布派兵堵截。自不慮索諾木之復來爭奪。

但所收革布什咱地方。若駐兵鎮守。最多亦不過
四五百兵。按汛分派。爲數更少。將來大兵旣撤。不
能保逆酋之不復出而滋事。今宋元俊所統兵練
甚多。莫若趁賊人防守未定之時。出其不意。乘勝
直擣其巢。併將索諾木擒獲。果能將金川翦除。其
餘各土司。自更畏威守法。方爲一勞永逸。桂林當
酌量該處情形。隨機妥辦。總以動出萬全爲要。至

另摺所奏墨壟溝山嶺一帶。擬將鎗礮暫緩施放。飭令各兵密於岩洞藏伏。賊畚防禦久疲。見此心必疎懈。我兵即可乘機奪隘。所辦甚合機宜。亦屬出奇制勝之策。其溫福所奏分兵攻勦普爾瑪美美卡木闌壩等處。自當乘勢進攻。務期速得。至於西路賊人拒守資哩堅礮。已閱數月。忽爾棄礮奔潰。及退至阿喀木雅。正當死守。而我兵一至。卽倉

皇驚竄。固係官兵勢盛。賊衆力難再支。或金川已知收復。革布什咱之信。將所幫賊兵撤回自衛。小金川人心惶懼。不復能悉力抗拒。皆屬情理所有。但賊詭譎多端。或因官兵深入。暫避勇銳之鋒。將賊衆撤避。另由間道抄襲我後。以阻餉道軍臺。於事甚有關係。溫福當加意慎防。不可稍有疎懈。官兵既已深入。後路聯絡策應。尤爲緊要。溫福更當

時刻留心。隨宜布置。朕亦不能於六七千里外。一
一悉爲懸揣也。著傳諭溫福。桂林並令汪騰龍。鐵
保知之。

同日。桂林又奏言。竊臣接奉

諭旨。溫福軍營。止存兵二千。尚不敷用。桂林處續調
之甘涼兵一千名。已抵打箭爐。聽候收取革布什
咱之用。此時尚係閒住。不若令其遄赴資哩軍營

應用較爲迅速。

臣

查革布什咱地方長亘三百餘

里。道路叢雜。雖金川此際防守未周。而各處俱

有賊番分駐。是以必須五路分兵。同時並發。始

能得力。因抽調黔陝及後路新舊各兵四千餘

名。分途進剿。其甘涼兵一千名。前于二月內全

抵打箭爐口外。暫爲駐劄。旋因革番內應有機

勢難刻緩。隨與提

臣

汪騰龍。揀派甘省叅將常

泰帶領甘涼兵一千名。由喀勒塔爾一路進攻。覺拉喇嘛寺。並黨哩地方。據該叅將等稟報。業將此寺圍住。一面分兵進取黨哩。務期剋日收復。是甘涼官兵正在分頭攻奪之時。萬難調敵。

現奉

諭旨。飭派黔兵二千名。迅赴西路。臣當飛飭永寧道

梁翥鴻等。督同沿途各州縣。一俟黔兵到境。務

期迅速趕赴西路軍營。不致稍有遲悞。奏入。
上從之。

甲子。桂林奏言。臣於去年十月內。行抵軍營。正

當農隙之時。各站派有民夫。照常輓運。嗣因添
調官兵運米日多。需夫日衆。據軍需局司道等。

恐民力一時難繼。援照乾隆十一二三年成例。詳

請招商協運。並經各商認領前來。臣因糧運情

形與十一二三年大略相同。事出權宜。據詳具奏。
茲蒙

皇上指示。洞燭無遺。誠如

聖諭。官加之價。商居其名。恐不無藉以牟利。何如官
爲明增價值。俾小民知

恩出自上。踴躍樂從。臣再四思維。通盤合計。現在各

路所用民夫。不下數萬。今若官爲加價。勢必三

路軍糧。全行照辦。以數萬人之衆。按站加添。所
費實浮於商運。查該商等承領運值。凡一切無
業之人。均可雇覓。設有逃失。亦惟該商等自行
彌補。非若各州縣之必需派撥有業糧民者可
比。且商運之夫。並無口糧。較之官運之按日支
給米糧者。亦爲節省。雖川省並無殷實之商。因
腳價足敷雇覓。俱願承充。第該商領價雇夫。若

復從中剋扣。實非仰體

皇上加惠閭閻之意。

臣

分飭地方官將所定運價遍

行曉諭。俾小民共知

皇上格外施恩。倍加踴躍。並飭地方官於所發價值。

嚴加查察。務使該商不致稍有侵佔。各夫俱得

共沾

聖澤。於糧運殊有裨益。奏入。

上從之。

同日。桂林鐵保汪騰龍奏言。臣等前因東山梁

及墨龍溝山嶺賊番拒守甚堅。擬將鎗礮斬停

乘其虛懈。以爲襲擊之舉。詎賊番狡黠異常。未

見撤退。臣等查此兩處路險而窄。原爲小金川

咽喉要地。是以抵死相持。但勢難稍緩。不可坐

失事機。臣等察看扎哇窠山梁均係懸崖溝

又有礮卡。賊番必謂此路陡險。我兵難下。防禦或踈。若能過此山溝。便可進攻阿仰。隨於十六日。密派侍衛鎮將等。帶領滿漢兵練。仍由東山梁墨壟溝山嶺。進兵攻擊。以張聲勢。一面揀派弁兵。卽於是夜。携帶木梯巨繩。潛赴扎哇窠山下。梁於賊卡稍遠之處。或用梯接。或用繩縋。全行下崖。暗伏林內。均於十七日黎明。一齊舉發。臣

等親自督兵分飭東山梁壘壟溝兩路奪勇進
攻而扎哇窠崖下又有伏兵突起賊番出其不
意雖于碉卡內放鎗拒敵我兵一擁向前拋擲
火彈賊番力不能支始行驚竄當有對面阿仰
山梁上賊番合力前來救應俱被官兵擊敗該
番隨據對面嶺上各碉悉力阻拒我兵先據溝
內大碉一座石卡二十一處現在督率官兵連

夜攻取山溝對面礮卡。務在必克。乘勢進取阿
仰地方。即可繞截東山梁。以期不攻自破。仍分
飭東山梁。墨壟溝兩處將備。合力攻擊。不拘何
路得手。俱可乘機直入。奏入。
上嘉之。

同日。桂林又奏言。本月十六日。據宋元俊稱。十
三日。叅將常泰等報稱。前經分兵進取黨哩。因

寨內革布什咱番人甚少。一時不能內應。我兵環攻數日。賊番力竭勢窮。隨於十四日黎明。革番乘機內變。頭人安邦等迎獻所殺賊番首級二十一顆。餘黨驚潰。我兵又圍殺五十餘名。當將黨哩地方佔據。又於十五日。都司李天貴等報稱。初五日領兵進取沙冲。賊番憑碉拒守。遂派兵四面嚴圍。俾該番水道不通。糧食不繼。數

日以來。勢難支抵。於十四日亥刻。賊番一齊吶
喊出礮。意圖奔逸。我兵施放排鎗。阻路截殺。革
布什咱番人。又已佔住礮房。賊番既不能前。復
不能退。所有賊番八十餘名。盡行殲戮等語。元
俊隨飭該叅將等。將黨哩沙冲兩處。妥爲布置。
一面分飭將脩等。上緊攻取覺拉喇嘛寺。元俊
現在督兵圍困丹東。務在卽得等語。臣查革布

什咱地方。前克吉地官寨等處。收復業已過半。
今又攻復沙冲黨哩。圍取丹東。丹東距吉地官
寨七十餘里。是該處大局已定。所有覺拉喇嘛
寺。及丹東兩處。度不過旦夕之間。即可克取。臣
飛飭宋元俊統領官兵。上緊攻勦。務於日內全
行收復。以便併力小金川。爲掃穴擒渠之計。奏
入。

上嘉之。

同日

上諭軍機大臣曰。桂林奏攻得札哇窠崖下礮卡情
形。設法調度。深合機宜。不意其竟能如此。實嘉慰
出於望外。至所奏攻復革布什咱之沙冲黨哩。亦
俱妥速。今宋元俊督兵攻圍丹東。並分兵攻取覺
拉喇嘛寺。據稱務於日內全行收復。尅期竣事。其

平定回疆方略卷之二十四
二十六

意似以收復革布什咱後。卽并力小金川。迅爲掃
穴擒渠。便可完局。此於善後之計。尚未爲周妥。索
諾木敢於黨惡不法。實屬野性難馴。若不一併勦
除。終難保無後患。且旣將所侵革布什咱之地。盡
行攻得。又戮其留駐賊番。索諾木豈肯甘心。不思
報復。自不能不駐兵防守。但大兵旣撤之後。革布
什咱一處。不便仍駐重兵。倘索諾木出而爭奪。少

有損失。又復成何事體。自不若乘此併力勦定金
川。將索諾木兄弟。槩行擒獲。方爲一勞永逸之計。
溫福桂林。務當通盤籌畫。相機妥辦。以期永靖邊
圉。

乙丑。溫福。色布騰巴爾珠爾。豐昇額。阿桂。奏言。
臣等查西路軍營。除南北兩山分勦之外。兵力
實未爲充裕。前次接奉

諭旨令將南路甘涼兵一千名。派赴西路。臣等詳加

籌酌。桂林處分兵襲取革布什咱。正當需兵之

際。且甘涼兵從打箭爐調赴西路。程期紆緩。自

不如俟新調黔兵三千名抵營。酌量分路進剿。

已札知桂林。將甘涼兵一千名。仍留南路備用。

茲欽奉

諭旨。以桂林處或尚須添兵。令臣等於新調貴州甘

陝兵內。札商通融籌辦。查臣等現已攻過阿喀

木雅。賊人於美美卡。木蘭壩等處。併力拒守。臣

等上緊督勦。不敢坐俟添兵。但即使美美卡。木

蘭壩。迅速攻破。而前抵鄂克什舊寨。賊人衛死

之心愈急。仍恐不免稍有阻滯。必當另覓道路。

派撥官兵。或分搗底木達。或進攻美諾。方可得

濟。是在中路進攻之兵。固須添補。而分路進勦。

獨成一隊。又非數千名不可。所有貴州兵三千名。自應恪遵。

聖諭。令其迅赴西路。以備分勦之用。卽臣等前此奏准添調之陝甘兵三千名。亦須遵

旨分撥。庶將來分路時。不虞力薄。至桂林處分辦革布什咱。現已攻圍吉地。或需兵接應。不可不通盤籌畫。量爲撥往。臣等業經札商桂林。俟其酌

定需調若干餘兵。仍令速赴西路。總期兩路皆有生力之兵。方爲有益。奏入。

上諭軍機大臣曰。溫福等現已攻得阿喀木雅。漸逼賊巢。沿途礮卡甚多。均須分兵攻擊。而桂林一路。現派宋元俊收復革布什咱。均須多兵策應。且平定小金川後。或應并辦金川。則兵力更當加厚。今事勢旣難中止。不可惜費。自宜併力妥辦。以期一

勞永逸。方爲長策。第貴州兵數不多。且係苗疆前
後已調過八千。自不便再行調派。而湖廣兵素稱
怯弱。又不能適用。惟陝甘兵多精壯。距川省亦不
甚遠。莫若仍於該省預籌添調爲妥。著傳諭文綬
卽速於陝甘各營內。再選派兵二三千名。將官兵
應帶械仗各項。悉爲妥辦。並揀派堪以帶兵大員。
照前預備。俟川省飛咨需用。卽令迅速起程。至溫

福桂林如果尚須添兵。卽一面妥商飛調。一面奏

聞

同日溫福色布騰巴爾珠爾豐昇額阿桂又奏

言竊_臣等接奉

諭旨溫福等昨奏到金川及梭磨兩稟因其俱係番

字令章嘉胡圖克圖譯其文義不甚相合。其莎羅

奔及札勒克達。是一是二之處。明晰具奏查軍營

交縑譯番稟之人。多係提鎮衙門所帶譯字房書
辦。原非諳習。其各土司派出能識番字兼能書
寫之人。又不能通曉漢語。惟瓦寺土弁格特布。

雖不能書寫。而通曉番語兼能漢話。凡有文稟
臣等皆令其通說。此次譯出金川之稟。與章嘉

胡圖克圖所譯詞語不符。臣當卽傳格特布及

各通事詰詢據稱。莎羅奔並非人名。番人舊規。

生有數子者。一子出家爲喇嘛管領僧衆。此莎
羅奔。乃番人出家之稱。如內地之稱僧人爲尚
家者。其扎勒達克亦非人名。係掌管印信之謂

臣等復詰以索諾木因何不于稟內列名。據稱

土司承襲。必經內地給有號紙。註定名字。方敢
于文稟內稱名。索諾木未經給與號紙。故不列
名字。但以掌管印信爲詞。此土司一定之例。至

平定回疆方略卷之二十四
三

索諾木兄弟五人雖聞係索諾木應襲土司。而
尚未准襲。故稟內有我們我等之語。其嫁僧格
桑者乃索諾木之姊等語。臣等查軍營繙譯又
各通事有漢人亦有番人原係互相爲用。臣等
又不認番字其舛謬必不能免。嗣後凡遇番稟
一面譯出大槩。仍將原稟恭呈。

御覽。或令章嘉胡圖克圖詳加音釋。或交唐古忒學

譯出。發給臣等遵照。奏入。報

聞

同日。溫福。色布騰巴爾珠爾。豐昇額。阿桂。又奏

言。竊臣等接奉

上諭。以賊番屢次潛圖劫營。是其長技。今梭磨土婦

卓爾瑪。差喇嘛。密告金川幫兵。要劫西路營盤。尤

不可不加意嚴防。竊臣溫福現於阿喀木雅之西。

德爾蘇山下扎營。此處河身繞曲。山勢更爲陡

險。臣等自攻破阿喀木雅後。卽派總兵牛天昇

乾清門侍衛賡音素同巴圖魯侍衛章京將弁等

將自德爾蘇山頂。下至河邊。全行佔據。直接北

山之麓。其德爾蘇山外。又一高山。名喇卜楚克。

賊人現據山梁。由山頂至山下之木闌壩。卡柵

層層排列。臣溫福現在督兵攻擊。其北山自普

爾瑪山梁。下至美美卡。賊人碉卡尤爲堅險。臣

阿桂於攻取阿喀木雅之後。現在移營普爾瑪山梁進攻。距賊寨不及一里。察看普爾瑪寨。碉房雖多。先經坍塌。賊番新爲黏補。尚不難於攻取。且其地亦無關緊要。惟近西之美美卡在山嶺之上。兩面山壁陡削。中間僅有一綫仄徑。從山脊蜿蜒而下。其嶺上大礮旣堅。而仄路中凡

有峯巒突起之處。賊人無不修建礮卡。層次林立。抵死拒守。嶺下雖有小徑。然直逼山根。賊人滾石放鎗。官兵萬難越過。現在一面安礮摧擊。普爾瑪寨。一面派令官兵連築石卡。漸逼美美卡。若截斷迤北山溝中別斯滿。甲爾多等處。賊人揀援之路。或斷其附近水卡。方可得手。至

臣

溫福官兵所佔之德爾蘇山。與喇卜楚克。寧隔

深溝箐林叢雜。無路可通。現在差人在山後探路。如其有路。可以繞至山頂。攻壓賊人卡柵。而中路官兵。兩面夾擊。自能得利。則喇卜楚克山根之木蘭壩寨。方易攻取。臣等察看此間形勢。北山之美美卡。南山之木蘭壩。均爲進兵扼要之地。不論攻得一處。即可統兵前抵鄂克什舊官寨。現在督勵官兵。加緊籌辦。以期迅速攻進。

惟是賊人狡惡異常。誠如

聖諭。以偷劫營盤。抄截後路。爲慣技。臣等自攻過阿

喀木雅。逆料賊番。或乘我兵甫移營壘。潛來侵

犯。嚴飭各將領。加緊防範。十五日夜。北山果有

賊番。分爲兩路。來擾官兵駐卡地方。均經官兵

知覺。放鎗擊殺。賊退至屯練看守之兩卡。復三

次直撲卡前。又經土外委那木喀塔爾。帶領屯

兵殺退。驗看卡外石上草中血跡甚多。賊人傷
死約三四十名。並有遺棄衣帽器械。屯兵亦有
陣亡受傷者六名。又十六日子刻。賊分三路。從
河灘來擾南山下官兵。直至營外。經侍衛賡音
素等帶兵勦擊。共見被鎗擊傷及已斃而拖去
尸骸者。約有數十名。我兵帶傷者亦有七人。臣
等此時。惟有盡力攻勦。加意嚴防。如遇有賊偷

營正可大加懲劓。鬼域伎倆。自不敢復施。至大
兵後路。除自達木巴宗以東各處。先經酌留官
兵。令總兵和邦額帶領駐扎。今臣等又經深入。
所有資哩舊營。復派董天弼帶兵在彼防守。臣

等進剿於一路之中。已分三路。賊匪處處支拒。
又須防我兵之由別路分進者。小醜力量。似不
能繞出曾頭溝一路。以截糧運。臣等防範後路

雖不能有多兵分駐。然卽現在所留之兵相其
要隘。分地布置。自可不致疎虞。奏入。報

聞。